

Kon nakig hueay sa kagha o kalisud.

Ro mga sueat nga ro katuyoan hay mawra dapat nga mapig-od ag indì mag sambit it ibang bagay nga liwan sa katuyoan. Ro mga bisaea hay ratón mga makaglipay sa naga kasubò, ag dapat isueat it dugalingon nga agi.

Kon naga kangay.

Ro pag kangay kon gina paagi sa sueat hay dapat ipaathag kon sa anó gikangaya, ro kabang-danan ku pag tilipon, - kon sinaot, pananglitan, - do oras sa pag pamunò, ag kon siin, sa anyo ag kon hin-uno gihimua. Kon gina imprenta wat kinahangean nga ro ngeaan ag apelyido ku tag kangay hay isueat it alima, tuman nga itambing sa pag paimprenta. Apang kon minakinilya o sueat it alima dapat nga mag- daea it pirma ku tagkangay; rayang pirma hay mahimo nga sa punò it kangay ibutang, kamukhà kara:

Si *Juan de la Cruz*, ag ra ana nga asawa
Juan de la Cruz

hay sa hamuot nga kabobut-on naga kangay kimo sa ihapon nga andang gina amoma sa andang mga abyan bangúd ku ika daywang pueò ag limang dag-on mag halin ku pag kasáe kanda, paihapon nga pagahimuon sa andang baeay Daeang 19 Martires, Kalibo, oras nga ika waeo. Gina hueát nga